



ҲАМИША НАВҚИРОН САМАРҚАНДА

Сўнгги йиллардаги кенг кўламли ислохотлар самарасида саноат, илм-фан, маданият, маърифат ва туризм марказига айланмоқда



ТАРАҚҚИЁТ МЕЗОНЛАРИ

Ер юзининг сайқали деб ном олган азим Самарқанднинг шонли тарихини такрорлаб ўтиришга ҳождат бўлмаса керак. Негаки, уни бугун етти иқлим жуда яхши билади ва қадрлайди. Лекин бу тарихнинг биз учун

фахрли бўлган жиҳатларини қайд этмоқ зарур. Хусусан, дунёга машҳур икки имом (Маҳдуми Аъзам ва Ғавсул Аъзам)нинг қадими теккан юрт. Уч диннинг пайғамбари Дониёр ҳазратларининг рамзий қабри шу

ерда. Яна бир пайғамбар — Ҳазрати Довуд ҳам бу тупроққа қадам қўйган, деган фикрлар мавжуд. Буюк ипак йўлининг энг маърифатли, тафаккур чорраҳаси бу ер. Абу Хожа Тохирий таъкидлаганидек, "Агар илм

ва иймон истасанг — Маккага бор, бойлигу дунё истасанг — Ҳиндистонга бор, агар иккаласини ҳам истасанг, Самарқандда қол".

▶ Давоми 3-бетда

ҲАРАКАТЛАР СТРАТЕГИЯСИДАН — ТАРАҚҚИЁТ СТРАТЕГИЯСИ САРИ

АХБОРОТ ОЛИШ ЭРКИНЛИГИ — ЖАМИЯТ ТАРАҚҚИЁТИНИНГ МУҲИМ МЕЗОНИ

Шиддат билан ўзгариб бораётган кундалик ҳаётимизни, шунингдек, ҳар қандай соҳани кунлик ахборотсиз тасаввур қилиш мушкул. Оммавий ахборот воситаларини давр солномачисига қиёсласак, бу кўзгуда мамлакатимиз ҳаётидаги ўзгаришлар бутун борлиги билан акс этади. Бу жараён, айниқса, ижтимоий-сиёсий ҳаётимизда ўта муҳим аҳамиятга эга.

Бундан беш йил аввал қабул қилинган Ҳаракатлар стратегияси асосида 2017–2021 йилларда давлат ва жамият қурилишини такомиллаштириш, қонун устуворлигини таъминлаш ва суд-ҳуқуқ тизимини ислох қилиш, иқтисодиётни янада ривожлантириш ва либераллаштириш, ижтимоий соҳани ривожлантириш, халқнинг осойишта ва фаровон ҳаёт кечирishi учун шарт-шароит яратиш, халқаро майдонда Ўзбекистоннинг муносиб ўрин эгаллашига қаратилган комплекс чора-тадбирлар амалга оширилди.

Президентимизнинг жорий йил 28 январда имзоланган фармони билан 2022–2026 йилларга мўлжалланган Янги Ўзбекистоннинг тараққиёт стратегияси ҳамда уни "Инсон қадрини улуглаш ва фаол маҳалла йили"да амалга оширишга оид давлат дастури тасдиқланди.

Таъкидлаш жоизки, Тараққиёт стратегияси сўнгги йилларда мамлакатимиздаги тизимли ижобий ўзгаришларнинг асосий ҳуқуқий пойдевори бўлиб хизмат қилган Ҳаракатлар стратегиясининг узвий давоми ҳисобланади.

"Инсон — жамият — давлат" деган тамойил асосида шакллантирилган "Инсон қадри учун", "Давлат — инсон учун" деган эзгу ғояларни

ҳаётга татбиқ этиш мақсадида ишлаб чиқилган ушбу дастурий ҳужжатда яқин ва ўрта истиқболда ижтимоий-иқтисодий ривожланиш тенденциялари, бу борадаги устувор вазифалар белгилаб олинган. "Ҳаракатлар стратегиясидан — Тараққиёт стратегияси сари" деган тамойил асосида ислохотларнинг узвийлиги ва давомийлигини таъминлашга алоҳида эътибор қаратилгани эътирофга молик. Мазкур ҳужжат барча соҳалар раванқ топиши, Ўзбекистоннинг ривожланган давлатлар қаторидан жой олиши, халқимизнинг адолатли, эркин ва фаровон жамият қуришдек улуг истаклари ижобат бўлишига хизмат қилади.

▶ Давоми 2-бетда

БОҶИЙ МЕРОС

АССАЛОМ, ҲАЗРАТИМ, НАВОИЙ БОБОМ!



Кеча пойтахтимиздаги Адиблар хиёбони ҳар қачонгидан-да фарахбахш, файзиёб бўлди. Давомли ёмғирдан сўнг нурларини пинҳон тутиб турган қуёш ғўё Навоийнинг меҳрли юзю сўзларининг сўнмас зиёси каби шуълаланди.

Адабиёт бўстонида салобат тўкиб турган буюк бобокалонимиз ёдгорлиги қаршида давлат ва жамоат арбоблари, шоиру ёзувчилар, адабиётшуносу тилшунослар, ўқитувчию талабалар, кенг жамоатчилик вакиллари ҳамда хорижлик меҳмонлар у зот таваллудининг 581 йиллиги муносабати билан адабий-маърифий тадбирга жам бўлди.

Навоийни ўрганишда танаффус бўлмаслиги керак

Тадбирни очар экан, Ўзбекистон Ёзувчилар уюмлари раиси, Ўзбекистон халқ шоири Сирожиддин Саййид "Давлатимиз раҳбари Янги

Ўзбекистон тараққиёт стратегиясини белгилаб бераркан, Учинчи Ренессанс — Янги Уйғониш даврининг мустаҳкам пойдевори Алишер Навоийдек улуг аждодларимизнинг бизга қолдирган бой, бетимсол ижоди ва адабий меросини кенг ўрганиш, айниқса, ёш авлод қалбига синдириш билан пойдор ва устувор бўлишига алоҳида эътибор қаратади. Шу маънода, "Тарбияда танаффус бўлмайди" иқтисосининг "Навоийни ўрганишда ҳам танаффус бўлмаслиги керак" деган яна бир нурли қирраси ярқираб намён бўлади, буни барчамиз қалбам, руҳан англаб, ҳис қилиб турибмиз", дея эътироф этди.

▶ Давоми 6-бетда

ИННОВАЦИОН ЁНДАШУВЛАР

МИС САНОАТИ: КЕЛАЖАКНИНГ "ЯНГИ ОЛТИН"И



Қайта тикланадиган энергия манбалари ва электромобил ишлаб чиқариш ҳажмининг ортиши туфайли 2030 йилга бориб, жаҳонда мисга бўлган талаб 40 фоизга ўсиши кутилмоқда. Мана шу кўрсаткич, ўз навбатида, уни қайта ишлаб, юқори қўшилган қийматга эга маҳсулот яратиш заруратини келтириб чиқаради. Таъкидлаш жоиз, Тараққиёт стратегиясида тармоқда кластерни ташкил этиш орқали мис ва бошқа маҳсулотлар ишлаб чиқариш ҳажмини 2 баравар кўпайтириш ҳамда қийматини 8 миллиард долларга етказиш кўзда тутилган.

Президентимизнинг 2021 йил 24 июндаги "Кон-металлургия саноати ва унга боғлиқ соҳаларни ривожлантириш бўйича қўшимча чора-тадбирлар тўғрисида"ги қарори қабул қилинди. Ҳужжат мис саноати кластери



доирасида лойиҳа ва инжиниринг хизматлари ҳамда илмий-тадқиқот ва тажриба-конструкторлик ишларини ривожлантиришда муҳим омили бўлиб хизмат қилмоқда. Мазкур чора-тадбирлар натижаси ўларок, замонавий технологиялар трансфер қилиниб, инновациялар жорий этиляпти. Мавжудларини ривожлантириш баробарида эса фан ва ишлаб чиқариш

ўртасидаги ўзаро ҳамкорлик йўлга қўйилмоқда.

Шунингдек, ҳужжат ижросини таъминлаш мақсадида Инновацион ривожланиш вазирлигида мис саноати кластерларини ва иқтисодиётни инновацион ривожлантириш бошқармаи ташкил этилиб, соҳани янада такомиллаштириш бўйича қатор ишлар амалга оширилмоқда.

▶ Давоми 4-бетда

